

王太初先生五岳遊草

王太初先生五岳遊草卷七

章安馮甦再來重輯

男永年現珍

全校

婿洪熙揆漢鑒

○滇粵游上

記六首

桂海志續

昔宋范成大帥粵。愛其土之山川。及移蜀猶不  
忘。憶而作桂海虞衡志。稱其勝甲于天下。余以

萬曆戊子典蜀試攬勝紀游樂焉忘死已自蜀  
改粵時猶恍惚行巫山錦水中也亦為列入蜀  
三記于郡齋是何与范先生易地而同思耶其  
後范鎮蜀未知志蜀山川否奈乃為粵游志首  
獨秀山次疊綵次寶積次七星岩次省春次灘  
山次隱山六洞次龍隱次伏波次白龍次虞山  
又次堯山而終以訾家洲

獨秀山居郡城之中圓數百步高千尺石山鐵  
色上下亭々如削四無坡阜亦不與群山接上

有雕欄畫閣。翠幕彤亭。下漸月池。臨朱邱則靖江官府也。余以己丑九月赴王宴而入。登高俯視如坐危梳之顛。四野碧簾。一目俱盡。其下有讀書岩。五咏堂。宋始安太守顏延之居也。城中之勝此為最。

疊綵山舊在八桂堂後。八桂堂今不知何地矣。惟郡城直北重門夾山。東行石文橫布。五色相錯。故圖經以疊綵名之。唐元常侍晦三記堪讀。一洞屈曲穿山之背。南北兩向如提連環。土人

又名為風洞。左小山曰千越。右小支戢立曰四望。余以赴張大將軍飲。初至南望。日輪當午。獨秀在前。綉闥朱甍映帶城郭。比酒闌。北眺堯山。積翠又與離水俱來。及東循而坐。四望亭則夕陽返照。間以殘霞石山飛動。片如上人衣。上亭樹人繪溪山地繪雲物天繪。何直疊石稱綵焉已耶。既樂而忘歸。遂卜其夜。寶積山與寶華連。夾北城之西。續以雉堞。下開華景洞。容二十餘榻。前有橫塘。百畝盈冬不涸。

朝陽夕霞。浮綺在面。故元常侍亭之曰岩光石屋。前張比省春龍隱。上則鐵壁無際。祠諸葛武侯于巔。洞面東與風洞對峙。祖帳折柳。雲集于茲矣。余亦與藩臬大夫饒張閫帥。得首覽焉。乃蒞官之次日。

七星岩峙江東里許。列岫如北斗。山半有洞名栖霞。時惟中秋。與臬副李君約入洞而後至省春岩。李君畏不敢入。余乃徑入。洞石倒掛。峻嶒。手捫壁走。闇中百餘武。已復大明。猶然上洞。

也。下洞更在其下。數十級更益宏朗如堂。皇  
仰首見鯉魚躍洞頂。正視之忘其非真也。已過  
三天門。每過則石楹垂立。僅度單人第。乏局鏽  
耳。過已則又黝然深黑。目力不能窮。高或十尋  
濶或百尺。束炬照之。傍列萬形。命黃冠一。指  
之為象。則捲鼻臥為獅。則抱虺而弄為駱駝。則  
長頸而鞍背為湘山佛。則合掌立為布袋和尚。  
則側坐開口而胡盧半為石乳。萬古滴漉自成  
巧。于雕刻如水精狀。半乃真石。想其初亦乳結

也。誰為。此。真造物之奇哉。其他如床如几。如  
晒網。如奕碁。如魚如鳥。如佛手足。顧以失彼不  
得盡。矚亦不得而盡名之。風凜凜。出崕呀間。雖  
傍烟炬。尚寒慄。行稍遠。則鳴鉦鼓噪。恐有恠物  
逼也。又多岐路。恐迷行。則時相呼集。或云通九  
疑山。龍潭一水。冽而深黑。不得底。久立魄悸。業  
已可七八里。忽復瑤濤雪浪。中立一圓阜。丈許。  
俗稱海水浴金山也。恠矣。近游者又得一歧里。  
許名禪房。半壁坐一菩薩像。黑石隱隱。可七寸。



房中暖氣更融也。後此又東行見白圓光。乃有一洞口出山之背。下慶林觀。粵中多蛇。他獨洞中不栖。故得酣游焉。亦若鬼神呵護之。洞有玄風。彈丸為左右翼。余未暇去。

省春岩在七星山之右。如簷覆。前有石乳承溜。又如枯槎倒掛。長七尺餘。桂林四際溪山不留寸土。惟此平田廣穡。一望豁如。故令長行春省。耕于此。山勢面東。夕陽不入洞前。甃以瑤臺。圍以石檻。右有小洞二三。穿山而過。架以層樓。更

衣燕息。此延賓之善地也。余以過棲霞洞留飲于此。

灘山據灘江之濱。橫障江流。与伏波關鷄峙。前有水月洞。後有古雲崖軒。宋方信孺故居也。羽士起數椽。祀方與范致能。故以九月廿日約余為汎舟之役。虞衡志云。水月洞在灘山之麓。其半枕江。刻大洞門。透徹山背。頂高數十丈。其形正圓。望之端整如大月輪。江別派流貫洞中。踞石弄水。如坐捲蓬大橋下。大月輪之中。又一

小規穿山而南出。暑月坐規中。風颭不起。洞口真不減北窓。羲皇也。其下可以觀魚。亦可濯足。乘舟過之。如象掀鼻。俗亦稱象鼻岩。是日欲遂游南溪龍洞。日下春不果。

隱山出城西里許。當夾山之南。唐李公渤始浚西湖中之浮山也。湖今斥為桑田。山峙于陸。山北高南下。峰不露奇。惟中藏六洞為佳。余以九月望約張羽王。勿從東入朝陽洞。謁佛宇。山轉處溢一清池。躡級上之。其半稍平。坐石刻老

子像。又從左穿洞心。懸汲而出井口。其洞為北  
牖。團標四楹。正扼風盭。又轉為白雀洞。穿石硤  
而下。為夕陽洞。為嘉蓮洞。旋而南。為南華洞。自  
北牖至南華。大小隨趺石穹窿處。列十席。小則  
具趺。跏水漫流。可厲。弗可舟也。唐吳武陵記。隱  
山。刻意描畫。至稱石室。東岩水虬螭所宅。濬三  
丈。載舟千石。渠深七十尺。渠上為梁。曲折繞  
三百步。日月所不能燭。又動陟飛梯。三四十級。  
今皆無之。武陵至今僅千年。何陵谷古今之異。

如此因與羽王嘆息而別。

龍隱岩踞江之東近七星山之麓。然能不依附  
七星而自為洞天。以枕江流。洞門高俾闕。石上  
裂一龍形。夭矯如生。鱗鬣皆具。其長竟洞。夏水  
溢刺舟。竟入洞中。陰風淒清。如坐冰壺。宋諸公  
多游此。刻石殆遍。為闌闔物也。余時以九月默  
行。水落石出。緣麓過磧。跌坐大岩之上。滴玉泉  
琤然。墮石穴作聲。

伏波山迫城外。屹立千丈。趾煥于江流之西。洞

乃東嚮維舟始入。別無他道。洞前懸石如柱。去地一線。不合。俗名伏波試劍石。初陽起射。光照岩室。後漸潭水。潭清晃入岩影。倒掛千尺之內。躍金余至。在水落時。石齒。足玩水漲溢無奇也。張羽王謂伏波軍行未出此道。邳離新息俱下。湟水而西。元豐間。游者題為伏波。蓋取麓過。瀾迴之義。近之。

白龍洞。縣。鷄山口。別有派曰南溪。挈小舟。問津而入。四壁峭懸。蒼翠時落。人衣袂。溯流南太。

高山麗空。其半有洞。躡衣而上。洞口有物倒懸如龍首。故名白龍。入度右磴。石室硿礧。洞前朱欄小閣。倚欄平疇。綠遶碧流。洎出藻荇間。注橋而下。即李公所鑿新泉也。余以遊省春後十日。與韋閫帥至。山有二洞。九室。白龍當巽維。其西北曰玄岩。之上曰丹室。白龍之右曰石室。皆渤所名。惣之俱讓白龍。虞山起城東北隅。離波左遶。皇潭後承之。亦名皇澤灣。山下有韶音洞。前平原舜祠在焉。古

松數十。札枝若蓋。余以六月朔至。問所謂韻音者。而不得已。乃薰風南來。吹落松間蓬。然捲濤撼空。向東北而去。余曰。是矣。及俯灘波。激石。碎。漣。石。旬則又疑此為近之南。廵之遊。其

與

堯山城東北二十里。連岡磅礴。奄數邑界。桂山百里皆石。而惟此積土。以成更益。為奇。韋閭帥以九日。約余與集。副李君登高其上。山上有天子田。佛宇五層。舊白鹿禪師故庵地也。天將陰。



雨先有白雲起山中。登其巔則萬石疊于西南。  
離江來自東北。良足快也。堯祠乃在山下。不知  
所自始。

瞿家洲在離江中。土人稱為浮洲。雖巨浸排山。  
此洲不沒。子厚之記具之。亦借水月洞為勝。而  
柳記不及也。今已鞠為茂草。余以九月望下蒼  
梧舟過此。  
王生曰。桂林無山。而不鴈宕。無石。而不太湖。無  
水。而不嚴陵。武夷。茲特就人所已物色者而志。

之。余言說不能窮矣。柳之立魚。融之仙岩。亦皆  
得其一隅。而陽朔江行。抑又過之。譚粵勝者。每  
云。藉令巨靈六甲可移。而吳楚間不知游屨。何  
如意。何渠知其不終而為吳楚耶。

游七星岩記

粵東西蓋有兩七星岩云。桂林七星洞行十餘  
里。景在內。瑞州七星洞行止百餘武。然負山臨  
水。所在成趣。其景在內外之間。歲己丑九月之  
望。赴黃化之約。相與過虹橋之渚。汎歷湖之棹。

登臨天之閣。弄寶陀之月。酌流霞之島。走蓬壺之逕。浮杯峰之玉。搖仙掌之風。拂寶光之岩。騎青羊之石。招閑風之關。凭栖霞之亭。坐水月之官。尋芳藉草。無非佳致。拔其尤者。為勝有三。一曰石室。是山所得名也。南闢一門。石逕迤逦而入。流水洩瀾。潦或成池。龍井在東。秉燭可入。西轉梯磴而上。乃有石觀音云。纓纓紳珮。揚旒成削。似立而過海者。蓋懸崖石乳所垂造物之幻也。風當磴呀。入吹人。歌舞乃漫石罅。北出岩背。

過岩秀亭。挈舟而下。二曰蛟龍窟。在流霞島東。先從小洞穿岩而至渡海筏處。一石壅飛覆水上。乃呼窾木結為方舟。與彭士化、徐君羽各仰卧其間。篙入之。空如堂皇。起步小洞。坐石床。隱方几。不知此外更有入世也。洞口懸一石。持篙仰擊之。作鐘聲。盤桓水上。久不出。三曰玉壺亭。歷湖數百頃。潏潏可鑑。奇峰四疊。臨之。化之。從水底甃石而上。架湖心。一亭坐石。分雲乘風。汎月。翩乎其仙哉。亭成。問名于余。玉壺。余所命也。

乃即席留詠而去。及余庚寅春夏兩過之。而漲  
發斷橋石室龍窟。咸浸不可入。主人依然。惟有  
登城悵望而已。或云山靈怕忌人多。取余笑而  
領之。

汎舟昆明池歷太華諸峯記

余以辛卯春入滇。迤東西花事之勝。甲子中  
原而春山茶尤勝。其在昆明者。城中園已論外。  
則稱太華蘭若焉。余時隨監郡諸大夫入省。以  
上巳日道出碧鷄關。太會城三十里而遙。蓋

豈指之矣。乃問途為太華之游。循関右。箭斗折而南。五里至高嶢。舊有楊太史用修海庄。已廢而入于貴倨者。高臺曲池。層樓輦榭。前用五色杜鵑棚之。題構方新也。至此遂俯昆明池。余視步無餘皇。乃買漁舟一葉。令騎人跣跂臯陸。獨挾一乙黃頭郎。汎焉池。一望五百里。潴西南隅。俗號滇海。滇去海遠。水頃畝。即稱海。下高嶢。輕洲淺渚。蒲葦。颿沓。長過人。又稱草海。長廿餘里。草中津港。以千數。往來繫罌。麗而漁。余蕩槩。

其中不復知。非山陰道上也。草窮且挂。席出水。海水不及余。東海一汧澳。而風力差足。畏滇中。鎮日咸西南風。春風較狂。掠余颿。墮水中。乃回棹泊焉。易筍輿而登。漸霽。盤桓上數里。及太華山門。蒞宮琳宇。燦煌金碧。倚山隆起。擬于紫霄。碧雲之間。余右陟飛磴。歷龍藏。東下黔寧祠。覽其世像。出文陛前。兩垓山茶。一本高三丈。萬花霞明。飛丹如茵。列繡如幄。倦就坐其下。神懽。復王疑入石家錦步障也。廊右遶出。縹緲樓觀。

海危橋一粟水勢粘天。顏以一碧萬頃。然哉。夕  
陽西下。太華踞其東。倒影半浸。已素月復流光。  
于上山影為藻荇。據之更勝。也是夕宿僧榻。漏  
下。月色入戶。宿鳥驚栖。聒人耳。余旅思轉深矣。  
質明緣磴岸。磧厯而南。遠見山頂室廬嵌空。一  
如晝畫。輿者云羅漢寺也。以有石像比丘而名。  
稍近之。一村落居河之麋。漁者織宿楚以家。傷  
置官署焉。寺尚在數千步絕壁上。仰視之如歎  
墮者。盤辟而升。計四五曲入寺。問南北庵寺後。



對金馬碧雞。碣摩碣乃入南庵。丘亭香宇咸新。嚴簷覆之。承以瑤臺。趾半懸外。北入南出。過一刹廟。後間一亭臺。廟為雷神。為龍伯。為大士。為玉虛師相。雜以釋道。亭為迴瀾。為望海。又有趙羽士之塔。文殊之岩。咸倚海岸。時而驚濤拍空。飛沫可濺佛身也。路迴則轉北庵。躡級而上。過朝天橋。謁老君廟。入真武宮。最上升玉皇閣。如鵲巢燕窠。懸度飄搖。雷祠龍井。貽藉足下。益又勝也。二庵者。南疎朗。北幽峭。南庵橫截山麓。而

過金鋪綠房足稱近水樓臺北庵擣扶搖以上  
層々各十丈轉山樛斗大崖則憇一字焉人側  
身而度鳥道爾然北庵雖高僅見草海白蘋紅  
蓼楚々有致若南庵面東南水海風帆雪浪日  
月出沒其中故大觀也下山邑令掉盧舟以迓  
稍具舠艇欲放中流以五兩尚顛復穿荻浦披  
魚梁鳴榔擊汰而歸睨西山頂上丹堊之麗遠  
當李山一得得意筆也時水淺舟膠不及過近華  
村余行滇中惟金瀾二江橫絡其他多積窪成

海如洱海通海楊林海是不一海焉非獨滇也  
惟滇流如倒囊腹廣而頸隘且逆西北流故稱  
滇云昔漢武帝欲取昆明乃習戰長安鑿池以  
象之至劫灰出于人世麻姑云東海當復揚塵  
也信如斯言則此真滇池者不知幾更劫灰矣

遊雲南九鼎山記

雲南者漢時五色雲現于邑北是邑所得名也  
邑有九鼎山出郭北廿里山起九巘若禹鑄九  
鼎而列也九鼎故有寺開山僧驟聞天樂下噴

雅子  
矣

而覓古佛于洞中得之而初也時惟重九余與  
吳張兩憲大自昆明還馳而登之出其闔都飛  
泉爭道龍蛇走也平疇禾黍黃雲遠也天風吹  
人羽衣舞也沙澗納麓升自岫頂鼓吹聞矚忽  
聽隔隴清磬一聲梵唄喃々耳觀開也已廼攬  
此一之亭萬瓦參差樹影中乍見乍沒也坐超  
然之臺慈宮琳宇懸構膝葺若隆房鳥窠累々  
然重累而綴也烟雲過絕壁若画王右丞山水  
間以大李樓臺簇々然而幕以重綃也罡風響

鈴鐸而下。青蘋之末。忽復擁秋聲。大呼若舉千。百刹宇動搖。將擲之空中也。廼促酒人出三爵。澆之以敵寒氣。澆已行。松濤之徑老對擊雲入。千尺翠色滴。可餐也。躡凭雲之橋。探杙岩阿。虛閣度重棧。以過軒然。牟首臨乎鳥游。足瑟縮。以移也。入古佛之洞。石竇嵌空。琢五大士相附。以危樓雕欄。畫檻。幡彊錯繡。與朝日共麗也。謁。毘盧之殿。阿閣三重。出西南竇。跨偈石。搏羊角。以上靈瑣。挾振余與張君席地作趺。劬剎那覺。

萬籟寂然。與心境徹也。復循山北摩龍首之塔。  
日輪正午。壑窈々猶無底止也。入洞復坐。掇黃  
花佐酒。微赭相携而起。上三教之樓。爐烟杳空。  
袖之以出也。吳君脫舄南下。余與張君復趨而  
登華嚴之閣。危梯百級。螺旋而上。四盼無所不  
矚。凭欄少頃。噫氣泃泃。空谷中起。山外莽蒼。暝  
色亦冉冉。隨飛鳥而至。側耳聽下方鍾鼓。覺身  
在鈞天上也。既下回首。閣端縹緲天際。恍然自  
失。已復過一刹。題構新成。遙見前邨。近巖隱々。

二。三。牧。豎。捲。蘆。葉。吹。牛。背。歸。也。復。下。棧。閣。奏。松。  
坪。時。已。月。出。高。對。牛。女。之。充。燭。地。戀。之。不。能。去。  
也。余。三。人。者。撫。良。辰。之。不。偶。念。後。會。之。未。期。因。  
緣。勝。名。各。懷。鄉。土。吳。君。則。舉。凌。雲。九。峯。張。君。則。  
舉。湘。江。九。疑。余。家。赤。城。亦。思。九。盤。觀。海。悵。然。俛。  
仰。各。有。拂。袖。遐。舉。之。意。乃。命。余。為。詩。記。之。吳。君。  
原。豫。名。謙。家。瀘。水。張。君。養。晦。名。文。耀。家。沅。陵。余。  
天。台。王。士。性。伯。叔。也。歲。重。光。單。閏。則。萬。曆。十。九。  
稔。也。

又是  
一休  
極大  
章家  
變幻  
矣非  
可以  
罕句  
綴

# 點蒼山記

點蒼山。南詔所封為中岳鎮也。山十九峯如地  
弓。內向面出。而函洱海于下。前後立國咸于  
山麓。陂陁之間。西南之所稱最勝也。余行鄯其  
地。與瀘州原豫吳君數杖屨焉。幽遐恠僻無所  
不蒐剔。然猶懼其未罄也。則以暇日而請于吳  
君曰。夫心志不凝者。雖耳食何益矣。情境不徹  
者。縱窺言奚稽矣。余讀榆城志。益爽然自失。然  
未能一一寘余踪也。君之居是三年所矣。亦可



得而悉茲山之勝乎。原豫曰可。余曰試言之。原  
豫曰。語云天下名山僧占為多。我嘗與子覽崇  
聖之都矣。是蒙氏之所剏也。其地龍象如山。浮  
圖千尺。蒸嘗伏臘。士女闐駟。金碧煥煌。草樹葱  
蒨。境之弘敞莫是過者。又嘗祖子于蕩山之寺  
矣。是竺法蘭之所餘也。其時高秋風雨。磴磴流  
霞。巘岬明滅。海天一色。瑤臺瑤石。佛像飛來。境  
之幽邃莫是過者。又嘗桓盤于玉局之林矣。其  
左入卦有臺。是武侯之畫也。其前王舍有塔。是

阿育王之跡也。且也。青城墨紗。太乙馮河。奇樹  
輪囷。山圍水抱。境之秀拔。莫是過者。又嘗昧眊  
于中和之亭矣。峙者伏翼。而廻翔。流者凝碧。而  
停瀦。登高望遠。瞻言百里。抑有渡頭漁火。流螢  
夜飛。村烟盡炊。白雲為侶。境之怡曠。莫是過者。  
凡皆吾之所習也。余曰。三千蘭若。什一猶存。于  
志識之美。則美矣。勝猶未也。原豫曰。赤文之島。  
鉄雨之崖。世傳羅刹。為此。大士放之。今其湯泉。  
雪窟。二至嘗往來也。又有海底珊瑚。水面炬火。

浮光躍金。良宵共覩。亦有鍾聲百里樓。名五華。  
巨塔中裂。旬日自合。是皆靈墟古跡。鬼神之秘。  
騷人墨客之所挾目而窮搜者也。子亦尋而討  
之乎。余曰。問奇弔古。選勝者不遺。然而未盡也。  
原豫曰。十九峯頭峰。出泉。泉赴壑。飛沫下  
坂。如走龍蛇。無寸土不渥。及其引之城中。自窮  
巷以徹通衢。沿門舉步。流水遶扉。昔者石家金  
谷。艷稱水碓。兼舉魚池。若蒼山之下。烟火萬灶。  
惠賴于茲。泉者溥矣。不獨舟楫也。子亦溯流而

後之乎。余曰：此水泉灌溉之利，非不勝。非必勝也。原豫曰：紫城桃李，春風若錦，中宮佛蹟，草木皆香，蓋異卉奇花，四時無不有矣。抑或琢石為屏，白質黑章，山水樓臺，萬象包藏。夫平原醒酒，禹貢恠石，此亦造化之尤物也。子豈撫弄而簸玩之乎？余曰：有是哉！雅俗具賞矣。猶未也。原豫曰：蒼山之麓，是稱榆河。半月抱珥，群虹飲波。黿鼉之梁，蛟龍之宅。海濶天空，萬頃一碧。若夫春風狂駛，鼓浪如屋。漁窟丹青，斗牛夜燭，亦有洪

濤不沒。惟大鶴洲島嶼星布。驟而見者。疑蓬壺閬風之傳。吾嘗與子張布帆。酹兒觥。觀漁者。此亦山海譎蕩之偉曠也。子能再從斯游乎。余曰。夫浮家泛宅。攬勝煙波。則余志也。顧水羸山詘。請竟言之。原豫曰。蒼山勝覽。昔人所志。吾得其四焉。溪甸十步。以雨彼晴。雨喜哉禾。晴歡刈麥。是曰甸溪晴雨。馬龍峯缺。迺照一線。投光而浴。時見雙鴛。是曰鴛浦夕陽。下關之峽。有月出水。山月已沉。水月故在。是曰曉峽月珠。夏殊白雲。

山腰一抹不流不捲。樹杪出沒。是曰夏山雲帶。凡皆茲山晦明雲物變態之巧也。子見之不目駭而心悸乎。余曰。近之矣。顧幻形作態造物尤胥勝于此者。原豫曰。煖冬霖霖。邨甸同雲。半山以下盡皆積雪。瑤樓玉宇。其態萬狀。往。初暘起。灼雪影射人。又時而天風吹花。落于海水。雖人居雪嶺之下乎。而風氣常煥不寒。卉木植雪嶂之中乎。而葩莖常帶玉屑。以開朱夏。行五六月之間乎。而陰煙皓皚。猶有存者。昔人云。

飛來碧落千年雪。點破蒼山六月寒。又云玉盤  
滿盛三伏雪。炎方人在水晶宮。又云鏤銀屏風  
十九曲。人家五月開西窓。又云陰崖猶餘太古  
雪。白石一化三千秌。又云千年老雪消不盡。龍  
湫六月生陰寒。此皆可謂善詠矣。吾子以為奚  
若。余曰得之矣。此宇內之絕景也。余居天台。嘗  
中秌嚼華頂雪。結廬就之。余遊恒岳。亦九月見  
五臺雪。形于夢寐。余登蛾眉。又盛夏望西域雪  
山。為之發狂大叫。然皆在萬山之巔。亦或萬里

之遠。若朱明有雪。家。開西廳見雪。人。得六  
月餉雪。雖有奇觀。弗踰之矣。余生病渴。安得菟  
裘。老是焉。撲爵之以當仙人掌上露哉。然是山  
之溪。巖。磯。島。其名皆可得聞乎。于是原豫又數  
之曰。峯頭十八溪。自南而北。則有斜陽峯為南  
溪。一馬耳峯為葦蕨溪。二佛頂峯為莫殘溪。三  
聖應峯為青碧溪。四馬龍峯為龍溪。五玉局峯  
為絲玉溪。六龍泉峯為中谿。七中峯為虎溪。八  
觀音峯為梅谿。九應樂峯為隱仙溪。十雪人峯。



為雙鴛溪十一。蘭峰為白石溪十二。三陽峰為  
靈泉溪十三。鶴雲峯為錦溪十四。白雲峯為芒  
湧溪十五。蓮花峯為陽溪十六。五臺峯為萬花  
溪十七。蒼岷峰為霞移溪十八。雲弄峯十九。洱  
海三島曰金梭赤文玉几。四洲曰青莎大貫鴛  
鴦馬簾九曲。曰蓮花大鶴蟠磯鳳翼羅簪牛角  
波。作高崑大塲。余起而謝曰。核哉斯言。乃珥筆  
而記之。

遊鷄足山記

鷄足山峙賓川境內。山面南。卓立萬山之上。前  
紆三距。後伸一丈。若雞足然者。佛弟子大迦葉  
奉金縷衣入定待彌勒處也。四周多童岡荒阜。  
不近薈蔚。獨是山松杉鬱盤雲霞所留。且饒名  
花錦卉。祇園寶刹都房靜室。亡論製廣狹。無所  
不潔修庭除。良亦娑婆淨土云。余以行部瀾滄  
渡金沙江。緣山百里。繇東南支入。始入為石鍾  
寺。東數百步有黑龍潭。水消。從葑田中流  
出。始寺僧請。謂鼓吹通。恐風雨立辦。余姑試之。

故令傳騶。撞鉦。撼山谷。竟白日為朗。世俗之神。其說者類若是。石鍾西為西竺庵。西竺後為龍華寺。與庵咸有傑閣。翬起。龍華後為大覺。則長安僧無心所開山也。無心以送慈宮大藏至。遂留錫茲山。過大覺則行穿萬松。稍節日影。作態。蔭映可人。又一里為寂光寺。經稱佛居常寂光土。故以名寺。西百步為水月庵。斗室三楹。僧用周坐。園中始泥門半月。余倚甕牖。擊磬聲起而問之曰。用。即周。三界不用。真何處。試問你。

箇中  
人宗  
門語

坐關亦還。閑坐你遂去而之。聖峰寺覓無心結。  
跌跏論宗門旨。分禪榻宿焉。時余兒立轂從。年  
十三。與無心語徹夜。恍若有所覩。記者遂請終  
身持齋素。亦一奇也。晨起無心請轉關中語。余  
乃自為答曰。竟無閑坐我。亦無閑坐要用。即  
不是。不用。仍這箇騎驢太覓驢。覓着無處騎。繇  
聖峰上。即走山中支板迦葉殿。謁尊者像。山自  
此純石疊綴。興者行礮道中。少々喘息。前後人  
膺趾遞相承。以上過堯率庵。聚眾。滾石而後至銅

佛殿。西出側。逕可平。達華首門。東乃走險上。綢繆梯。余雅習險。竟造梯上。梯無路。僅。崖石。磴垂俯。深。箐絕。處架木。枕長一丈。接之。猶非梯也。梯乃石齒。齧其芒。上出。廉利。倅劍戟。承足。石芒內。齧其半。踵懸外。惟瞰深。箐故可上。而不可下。上亦牽挽。蟲縮而升。里許。方至土主廟。則山之巔也。入廟西北指。則雲間見麗江雪山。余遂峨嵋望大雪山。在印度萬餘里。然旭日刺雪光。猶彷彿上。余衣袂。此去麗水不千里。乃黥。

無色。或云以白石積成。意近之。西指則點蒼十  
九峯。雄據不肯為雞足下。洱海蕩潏其前。東南  
巒麓參差如風中濤。咸在杖底。偉哉觀乎。亦足  
雄南中游矣。循後距則舍利塔倚廟背。迅雷兩  
擊圯之。豈帝釋勅六丁取舍利太耶。北一里為  
文殊閣。又二里經束身峽。流石沒足。拄杖不能  
留。過石基盤至伏虎澗。又半里上禮佛臺。下出  
一洞。風鳴。闌哈岬入。寒甚。捨之去。乃東跨福  
瓦。三里而度曹溪。曹溪亦稱漕溪也。水紺碧一


泓日供僧可三千餘衆。又東二里。嘗入功德水。迦葉所卓錫處也。又東二里。而謁華首門。踞山半。石規十丈如半月。而簷外飛雲。迦葉入此安禪。余與無心。屈指龍華。尚餘八百八十萬年。因題石上云。曾記曹溪鉢。朝傳夕棄命。如絲若為雞足衣。默守空山。八萬期為報佛恩。傳佛印。汰以明心。示信誰解。三生同一瞬。趙州大棒。提在手。虛空粉碎。君知否。棄鉢留衣。總何有。還入銅佛殿而下。十里轉西南支。入華嚴寺。僧月


輪方并座轉法華。余問爾天上月乎。水中月乎。  
指頭月乎。月輪云。人心不比月。比月。齊圓缺。余  
領之。然余謂法華故。如來最後授記。作佛心印。  
即聲聞人不得聞底。若一翻小止觀。令得各持  
欄柄以入。復偈謂之曰。諦視指頭月。謾持法華。  
說饒是婆心切。應剩鳩摩舌。遂五里下圓信庵。  
宿八角亭中。用周乃以偈來荅。余亦領之。月輪  
又追至庵。與譚龍華事竟夕。次日復下接待寺。  
度洗心橋。而抵賓川。自華嚴下山。松陰室翠掩。




雲日者又十餘里。軼大覺路。與行其下。不覺神  
思之歆飛也。山中寺皆前樓後閣。龍象躡中。僧  
廬左右列。其僧雖未稱了事。亦皆持齋苦行。不  
犯戒律。前所稱三僧。又其首出者云。或云迦葉  
定雞足山在兩域。此山似之。故說者借以標勝。  
則余所不敢知。余之遊以辛卯臘望後三日。余  
滇西滄水使者王士性也。


桂林





昆池





鷄足山
















洛雄  
聲壯  
足鼎  
山靈

王太初先生五岳遊草卷八

章安馮甦再來重輯

門人陳捷頤侯  
男永年觀珍全校

○岳遊下

詩五首

登岱時首

靈符作鎮握天孫  
積氣蒼茫縱吐吞  
日出三山離渤海  
河流萬里接崑崙  
霞明金闕中峰起  
土

蝕玄崖半碣存解道東南天咫尺誰從匹練覓  
吳門

仙人挾博泰山隅授我真形五岳圖大谷風生  
岩壑動平原勢壓海天孤驪珠未曉先吐顙  
氣纔臨雨歇俱遙指齊州烟九點不知身世在  
虛無

斷碑空鎖舊宮扉七十餘君事總非匣裡已無  
金策在封中豈有白雲飛青連齊魯嵐烟淨  
作樓臺海日暉俛仰置身輕一羽天風颯颯引

征衣

東方列騎擁千羣。共道登壇挹紫氛。夾道兩崖行逼漢。摩空片石臥分雲。秦松漢柏占人代。貝闕琳宮灼斗文。奔走萬靈何日了。泰山封罷碧霞君。

蒙  
銘

登岱宗觀海行

送鄒爾瞻南遊

泰岱山頭一片石。影落滄溟浸空碧。鳥道捫星十八盤。峭壁回飈四萬尺。鷄鳴赤日升扶桑。日觀峰高海水黃。祖徕梁父倒地伏。咫尺顚氣摩

寄○蒼○金○書○玉○匣○秋○烟○裏○七○十○二○君○呼○不○起○長○劍○  
我○冠○跨○赤○綺○梁○園○之○客○石○城○子○振○衣○絕○頂○須○眉○  
開○吳○越○周○秦○何○壯○哉○把○酒○問○天○天○不○語○罡○風○颯○  
颯○天○門○回○乘○風○獸○嘖○太○東○極○化○作○蜃○市○成○樓○臺○  
老○蛟○奔○走○駟○龍○怒○珠○光○吐○射○三○峰○摧○夫○君○揮○手○  
招○八○表○明○月○轉○向○青○天○來○蓬○瀛○明○滅○不○可○覩○恍○  
惚○似○欲○揚○塵○埃○五○松○亭○亭○還○舊○壘○白○雲○封○中○年○  
代○改○款○刻○懸○崖○紀○姓○名○恐○姑○山○靈○泣○真○宰○君○不○  
見○秦○碑○昔○已○斷○漢○策○今○安○在○莫○凭○廖○廓○駕○龜○鼉○

四詩  
足敵  
華山

但○拍○陽○島○即○東○海○

登太華絕頂四首

西○來○秋○色○滿○長○安○拔○地○三○峰○秀○可○餐○秦○晉○河○山○  
千○里○迥○殺○函○風○雨○二○陵○寒○劈○開○地○肺○留○仙○掌○刻○  
入○雲○根○護○玉○棺○歆○吸○金○莖○學○輕○舉○此○身○先○在○碧○  
霞○端○

鐵○鑲○垂○蘿○挂○石○痕○振○衣○直○欲○上○天○門○削○成○峭○壁○  
三○峯○出○曲○抱○洪○河○一○線○奔○縹○緲○罡○風○連○上○界○蜿○  
蟠○秦○嶺○走○中○原○憑○君○咫尺○瞻○晉○藻○好○把○雙○星○手○



自捫

已躡丹梯萬仞橫。共傳蟬鳥此無聲。蒼龍棧絕  
西風惡。太乙池空曉月生。嶄石飛泉歸洞壑。懶  
雲送雨下山坪。夢中憶得曾遊處。天上芙蓉十  
二城。

搔首問天天不言。踏翻玉女洗頭盆。百盤鳥道  
魂應墮。五岳名山勢獨尊。嗟吸不須論帝座。等  
閒已自壓崑崙。惟來訝得乾坤小。足底陽生是  
海門。

李青蓮

太華山

巨。靈。挾。氣。母。太。素。盪。元。精。突。兀。百。里。內。遙。見。三。  
峯。明。屹。立。五。千。仞。面。面。如。削。成。飛。蹬。着。陰。崖。風。  
雨。晝。夜。鳴。黃。河。渺。天。末。秦。川。掌。上。平。振。衣。最。高。  
頂。恍。惚。到。層。城。白。帝。集。群。真。駕。鶴。吹。紫。笙。遺。我。  
九。節。杖。邀。我。游。太。清。咄。嗟。漢。武。帝。履。險。求。長。生。  
柰。何。快。一。言。甘。失。衛。叔。卿。

贈華山玄龢道者二首

兀坐了無事似聞人語嘯白雲吾舊主青山爾

今適夢裡雲山覺。後知。豈爲希夷君是誰。  
夢覺俱陳跡。道遠還非適。白雲亦何心。青山只  
片石。君去我來能幾時。白雲悠悠無盡期。

與劉元承登華山入自桃林洞因宿玉女  
峰冒雨上三峰絕頂

桃源有跡憶天台。曾是劉郎舊到來。欲躡青冥  
瞻帝座。遙探玉女上雲臺。雙龍風雨。崖邊合二  
華。芙蓉掌上開。愧我身非霄漢客。誰從飛鳥向  
蓬萊。

賦得祝融峰

祝融峯高入紫冥。臥看南極老人星。天柱芙蓉  
造雙膝。齊州九點烟熒熒。瀟湘如絲眇天末。欲  
盡不盡過洞庭。山頭隱避行日月。山下倏忽殷  
雷霆。元氣淋漓泣真宰。混茫便若搖滄溟。須臾  
三十六峰出。白雲歸去羣山青。午夜星辰大如  
斗。天風兩腋吹泠泠。雲海盪胸發大叫。手提斗  
酒呼山靈。岫嶁鳥跡今安在。麓床灌莽啼鼪猩。  
乘風歆覓魏夫人。洞門深鎖雙烟輕。尋真吊古

實耳 句稱 以字 殆難 莽 滔 氣骨 魏晉 總是 諸篇 帝古

五岳游草

卷之八

兩不見獸立孤峰倚翠屏

大河南北諸游下

詩計九首

涿鹿望華陽臺

燕丹懷慷慨誓欲掃秦氛惜哉時不遇枉殺樊  
將軍當其叩關來孤鳥飛念群置酒華陽臺酣  
歌日未曛美人侍清夜怒馬氣若雲憐交重離  
別豈圖生炮分丈夫會報仇刎頸何足云圖窮  
壯士敗掩袂不堪聞

業臺

臺故趙武靈王所築

莽蕩邯鄲道荒臺日暮雲雄風披舊烈匹馬走  
秦軍築此欲西望業林蔽夕曛自從平原來此  
意窳不聞上士躡珠履下士乘朱轡粉黛列華  
屋歌鍾日夜喧譚天與說劍爭附趙王孫柰何  
邯鄲圍袖手無一言毛生處空囊薛公倚市門  
登臺但拍手何人一報恩高臺浸荆棘賓客去  
不存千秋臺上丹為爾一招魂

邯鄲道

道有呂翁  
黃梁夢祠

邯鄲全盛日佳麗軼三川古道仍還昔芳踪不

建安  
八晉  
陳拾  
遺

復前三千恣豪舉。二八競嬋娟。青樓臨廣陌。寶瑟控朱弦。走狗漫聞鷄。袪服何翩翩。砂礫委黃金。游俠多少年。獸餘廝養婦。憔悴得人憐。攬膝今何在。荒城臥野烟。浮華昨日事。陵谷迭相遷。解道盧生夢。黃梁在枕邊。

銅雀臺

走馬鄴城道。置酒臨高臺。嬋娟既環列。賓客亦多才。授簡滿四坐。歌舞爭喧呌。冰井照峨眉。清光兩徘徊。雄心託毫素。霸氣橫尊罍。白日千秋。

晚金棺。一夕灰。猶然。顧西陵。哽咽。兒女哀。古瓦磨作硯。層臺變蒿萊。况復臺中人。榮華安在哉。

蘓門山

太行何迢迢。連岡饒翠積。蜿蜒落蘓門。一鑑抱几席。混沌發靈竅。清輝浮素液。石池函珠璣。百道漾空碧。上有天游子。長嘯倚泉石。適然見鸞鳳。高舉遠矰繳。土窟莽依然。知是先生宅。高風邈千載。寂歷雲山白。

金谷園



豈○不○惜○明○珠○為○是○傾○城○歌○能○得○掌○中○妍○何○妨○輕○  
十○斛○圍○以○錦○步○障○貯○之○黃○金○谷○翔○風○退○後○陳○清○  
聲○掩○絲○竹○黃○泉○倘○未○試○白○日○猶○嫌○速○世○事○一○朝○  
空○香○閨○散○餘○馥○不○念○陌○上○彈○誰○憐○抱○柱○哭○君○今○  
為○妾○死○妾○死○固○應○耳○虞○姬○原○上○草○千○秋○蘭○與○芷○

北印

洛陽城裏人北印泉下客昨日歌舞場今朝已  
陳跡蜉蝣良足憫大椿亦何益修短同此丘賢  
聖更不易死者自冥冥生者尚藉藉高明鮮畏

定長王仲宣  
德應子  
諸中語

思來馬任充。斥試問黃泉人。還應悔疇昔。

### 函谷關

驅車洛城西。行入函谷雄圖控。百二攢峰擁。  
如簇左挾洪河流。右枕秦山腹。一綫界分陝。連  
瓴落高屋。羸兵怒臨關。六國競竄伏。乘關吐霸  
氣。海內盡馳服。柰何三戶興。不救二世戮。漢家  
亟徙都。更重關內族。樓船恥外臣。為移北印麓。  
指點訪遺踪。歷歷猶在目。古來都會地。興廢代  
反覆。念此亦常事。所乏關尹卜。紫氣杳然收。入

龍太不復

新豐

因念松榆里為築新豐城大風歌過沛遊子氣  
縱橫人言家四海我乃異生平老人望鄉并思  
我故父兄烟火徙比鄰雞犬了不驚美酒斗十  
千社客歡相迎屠酤與蹴鞠任意隨所營落日  
歸荒徑春風諳舊荆區區多仲意猶自不忘情

驪山

繡嶺俯山巔溫泉汪山麓中有華清宮明珠耀

佳以作今不似  
為轉人類拙

人目翠華臨幸處。鐫鏤窮土水。魚龍石上飛。鳬  
鴈水中宿。號國未承恩。阿環自休沐。雕宮動千  
百。遂作秦車覆。東太有高陵。秦皇在時築。掘地  
銅黃泉。鑿隧出深谷。日月照長夜。流影懸壁玉。  
漁陽與灞上。生苑共戮辱。夜臺尚不扃。離宮更  
誰屬。牧羊何人兒。鶴髮他年曲。

馬嵬坡

坡前白石如菽名楊妃  
粉可已目翳人競拾之

看花沉香亭。賜浴溫泉津。誓言對牛女。世作連  
理身。萬里柰倉皇。六軍齊怒瞋。玉環遂墜地。紅

粉。却。成。塵。曾。憶。華。清。遊。姻。連。號。與。秦。馬。蹄。拾。珠。  
翠。羯。鼓。借。陽。春。睡。起。海。棠。足。馳。來。荔。子。新。胡。兒。  
還。入。直。妃。子。至。均。茵。不。信。良。緣。盡。看。將。禍。本。陳。  
胭。脂。已。散。絲。羅。襪。尚。生。春。千。載。墳。前。土。還。迷。行。  
路。人。

陳思俞招飲太白樓

從。君。一。識。濟。陽。城。把。酒。相。看。意。氣。生。渤。海。雄。風。  
披。大。陸。徂。徠。落。日。夢。長。庚。春。郊。十。里。青。帘。影。夜。  
月。千。山。白。玉。京。共。道。登。臨。咸。豕。輩。誰。凭。仙。客。駕。

氣骨  
蒼雅

長鯨

易水篇

送李山人君實

君不見黃金古臺環玉壘東流易水奔滄海白  
衣賓客隨灰塵山水蒼茫人代改君家住在易  
水頭我亦曾為易水遊雪花十月大如手冰堅  
冰深咽不流是時狂呼入燕市壯風動地浮雲  
駛慷慨將身欲許人悠悠肝膽向誰是白眼相  
看問酒人千金買醉不辭貧胡姬坐上胭脂濕  
紀叟壚頭琥珀新酩酊百壺還勗客陸離三尺

悲壯  
沈鬱  
寓出  
邊塞  
風景  
如畫

自藏身風塵瞥見高陽侶放悲猶驚燕市春六  
博爭雄氣如虎酒酣拂拭笑蓉吐我浩歌君起  
舞舞影長歌聲苦激羽流商和者誰與君一夜  
成今古

雲中謠

送徐民部  
往大同

東出長安門西走昌平道雲中古城旌旆遙萬  
里風塵迷百草邊方八月飛雪來鴈群不斷鳴  
聲哀北風撼黃蘆折邊人捲向月中吹紫髯  
碧眼聲繚繞霜天吹徹邊城曉琵琶不解嫁嬋

結得  
似岑  
嘉州

濟

娟首。荷常持款。腰裏胡越。為家瀚海清。總然無  
事。莫休兵。平涼點虜。唐驕子。雁門太守。漢長城。  
使君駐節。雲中陌。下馬還看。古疆場。北望王城。  
意悄然。憑君何自。論奇畫。平原無險。任綿延。焦  
家坪。口層冰。堅已信。名王餘款。塞更聞。中國重  
脩邊。

晚過申伯臺

天南地北。此孤原。淮水千秋。古碣存。遠樹煙霞  
迷晚翠。近城燈火接黃昏。桐花半落。風前路。燕



子雙歸雨後。村帳望崧高。何處是。幾回芳草憶  
玉繩。

燦日登玩花臺。故息夫人臨粧處也。

徙倚荒臺。問簪粧。西風吹雨。過林塘。美人影落  
胭脂盡。故壘名垂。草木香。帆帶暮鴻。淮水近。天  
連遠。塞楚山蒼。停杯不語。花愁重。猶似當年意。  
獸傷。

冬日真陽道中

悲風黃葉落。哀思何翩翩。振衣起中庭。明月墮。

深澤  
詩家  
三昧

我前馬蹶凍欲裂野火燒不燃僮僕忍朝饑歷  
磴多苦顛行過廛市莫經四川驅車日未  
息失路何當旋

早發羅山

暮宿淮水濱早發羅山陽山翁理晨炊起斫陌  
上桑鷄鳴古墻頭啞聲不揚日出露未晞老  
馬走且僵沾沾竊升斗客行殊未央碩影望霄  
漢沉思令人傷

夜宿繁臺高遠李白杜甫所登嘯處也或

語雄  
氣雄

五言詩

卷五

云師曠吹臺又為梁孝王平臺

欲問當年雁鵞池。平臺獵兔已多時。氣酣日。落。無。人。上。地。迥。雲。深。有。鶴。知。長。阜。經。旬。橫。北。渚。大。河。一。去。遼。東。隱。百。懷。摠。付。高。秋。裏。風。雨。空。庭。濕。桂。枝。

過夷門

策馬夷門中。不見里中客。腰下雙吳鉤。秋風。花。白。

秋日泌陽道中

佳詩

如聞  
山深

一雨衝輿過山風兩腋輕林深翠欲滴灘沒漲  
還平鴈影當空落鍾聲出谷清青天屹不動新  
月為誰明

與尤子輝宿賢隱寺

步入虛堂翠歌微松濤萬壑撼巖扉平蕪過雨  
新於沐絕巘孤雲去若飛稚子牽蘿携酒至山  
僧戴月荷鋤歸陶然一醉知何往天地吾廬此  
息機

山間風雨坐來收境入禪房草樹幽歌識浮生

觀朝霞  
寒自生  
笑矣

秋風  
故仙

五岳精草  
卷之八  
歸淨土。緣知吾道在滄洲。煙林漠漠前溪暮。石  
髓冷。古洞殊相對。夜床無一語。脩然月色下。  
西樓。

秋夜再泊朱仙鎮

風。秋風點客衣。暮煙一道野。燐飛怒濤起處。  
河流急。疑是將軍血戰歸。

雪後憶劉子玄紫芝樓

劉郎愛入天台路。萬樹桃花百尺梁。雪霽樓開  
青嶂裏。月明大吠白雲傍。擊壺不問生涯晚。抱

膝誰論歲月長。屋下紫芝今幾許。吏情真自負。  
滄浪。

憶遊中泉寄劉司徒

春還草色滿江關。鳩杖輶車此日閒。攬鏡未妨  
添白髮。出門但得近青山。月明洲渚空搖鳥。風  
靜簾櫳挹翠鬟。樓閣中天良夜永。共傳福地在  
人間。

五月夫渠遠澗芳。鵲鵲兩。傷仙航滄波歎。覓  
玄真子。華髮先歸綠野堂。檻拂泉聲新雨霽。樓

風調  
蕭曠

五古  
開樹色遠山蒼江花江草年々事坐客無勞典  
駟駟

清泉碧石夏雲涼白葛烏紗興歎狂谷口飛花  
泥馬足波心斜月上魚梁棹回煙嶼孤帆近蕩  
倚晴霄五岳長為道山公無一事可能重醉習  
池傍

北  
上。新墳牛羊下隴禽鳥集楮灰滿空飛佐雲隴  
白楊蕭々晚風急陌頭細雨花枝濕人々抱甕  
吐却寒食郊行見醺丘隴者

名理之言得西  
方聖人之  
後

底長眠杳不聞今年持觴滴爾土去年相將爾  
為主有酒不飲少年場黃公壚頭空斷腸不見  
海東塵君還過北印

秋日過申陽北門一僧拳鬚持鉢立異而  
訪之僧倏然去偶持梁諸子詩有孔叟  
等四城門倡和因續之

東城門病

百骸緣假設疾病易相隨嚴霜飄素杪草木日  
夜萎丁寧顧妻子悔悟方自茲水落洲渚見嘆



絕犯字  
抄

息此何遲

南城門老

百季如轉轂六龍無停奔  
泉門僵蠶不出爾敗葉歸其根  
造物固非我誰為駐精魂

西城門死

白日曜晴景萬靈被光輝  
一夕游岱宗千載辭  
朝晞孰是鬼伯促草腐流螢飛  
形終必毀神理自無違

北城門沙門

貝葉幾千卷、西來祇樹園、乾坤視啓閉、生死何  
足論、醯鷄不離執、未識天地尊、誰問維摩疾、重  
開不二門、